

PROKLAMASIE NO. R. 17 VAN 2016**van die
PRESIDENT van die REPUBLIEK van SUID-AFRIKA****WET OP SPESIALE ONDERSOEKEENHEDE EN SPESIALE TRIBUNALE, 1996 (WET NO. 74 VAN 1996): VERWYSING VAN AANGELEENTHEDE NA BESTAANDE SPESIALE ONDERSOEKEENHEID EN SPESIALE TRIBUNAAL**

AANGESIEN bewerings soos beoog in artikel 2(2) van die Wet op Spesiale Ondersoekeenhede en Spesiale Tribunale, 1996 (Wet No. 74 van 1996) (hierna na verwys as die "Wet"), gemaak is in verband met die aangeleenthede van die Oos-Kaap se Departement van Onderwys (hierna na verwys as "die Departement");

EN AANGESIEN die Departement verliese gely het wat moontlik verhaal kan word;

EN AANGESIEN ek dit nodig ag dat gemelde bewerings ondersoek en siviele geskille voortspruitend uit sodanige ondersoek bereg moet word;

DERHALWE verwys ek hierby, kragtens artikel 2(1) van die Wet, die aangeleenthede in die Bylae vermeld, ten opsigte van die Departement, vir ondersoek na die Spesiale Ondersoekeenhede ingestel by Proklamasie No. R. 118 van 31 Julie 2001 en bepaal dat, vir die doeleindes van die ondersoek van die aangeleenthede, dit die opdrag van die Spesiale Ondersoekeenhede is om soos beoog in gemelde Wet, ondersoek te doen na enige beweerde—

- (a) ernstige wanadministrasie in verband met die aangeleenthede van die Departement;
- (b) onbehoorlike of onregmatige optrede deur werknemers of beamptes van die Departement;
- (c) onregmatige bewilliging of besteding van publieke geld of eiendom;
- (d) onwettige, onreëlmatige of nie-goedgekeurde verkrygende handeling, transaksie, maatreef of praktyk wat op Staatseiendom betrekking het;
- (e) opsetlike of nalatige verlies van publieke geld of skade aan publieke eiendom;
- (f) misdryf bedoel in Dele 1 tot 4, of artikel 17, 20 of 21 (vir sover dit op voornoemde misdrywe betrekking het) van Hoofstuk 2 van die Wet op die Voorkoming en Bestryding van Korrupte Bedrywighede, 2004 (Wet No. 12 van 2004), en welke misdrywe in verband met die sake van die Departement gepleeg is; of
- (g) onwettige of onbehoorlike optrede deur enige persoon wat ernstige benadeling vir die belange van die publiek of enige kategorie daarvan veroorsaak het of kan veroorsaak,

wat plaasgevind het tussen 1 Januarie 2014 en die datum van publikasie van hierdie Proklamasie of wat plaasgevind het voor 1 Januarie 2014 of na die datum van publikasie van hierdie Proklamasie, wat relevant is tot, verband hou met, insidenteel of bykomstig is tot, die aangeleenthede vermeld in die Bylae of wat dieselfde persone, entiteite of kontrakte betrek wat ondersoek word kragtens die volmag verleen deur hierdie Proklamasie, en om al die werksaamhede en bevoegdhede wat deur die Wet aan die gemelde Spesiale Ondersoekeenhede toegewys of opgedra is, uit te oefen of te verrig in verband met die genoemde aangeleenthede in die Bylae, insluitend die verhaal van enige verliese wat deur die Departement gely is.

Gegee onder my Hand en die Seël van die Republiek van Suid-Afrika te Pretoria op hede die Een-en-dertigste dag van Maart Twee duisend-en-sestien.

J G Zuma
President

Op las van die President-in-Kabinet:

T M Masutha
Minister van die Kabinet

BYLAE

Die aanskaffing van goedere en dienste deur of namens die Departement van Berlut Books BK; Bright Future Marketing BK h/a Bright Future Marketing Publishers and Booksellers; Cambridge University Press (Edms) Bpk; Clever Child; Clever Kids Educational Tools (Edms) Bok; Clever Kids Educational Tools (Edms) Bpk; Creative Learning Publishers (Edms) Bpk; Depicta Educational Aids (Edms) Bpk; Educanda BK; Educational Improvement and Study Help BK (EISH); First League Trading BK h/a Early Child Development Suppliers; Global MBD Publishing (Edms) Bpk; Grow Learning Company (Edms) Bpk; Ilima Publishers BK; Inclusive Solutions BK; Lasec SA (Edms) Bpk (Edutrade); Lectio Publishers (Edms) Bpk; Macmillan South Africa (Edms) Bpk; Maths Centre Incorporating Science (Trust); Missing Link Education BK; Modlin E-Learning Solutions (Edms) Bpk; Mongile Suppliers BK; Mpower Learning and Development (Edms) Bpk; Nutrend Publishers BK; Oxford University Press SA (Edms) Bpk; Pearson Holdings SA (Edms) Bpk; Pulse Educational Services BK; Reading Matters (Nie-winsgewende Organisasie); RIC Publications BK; Shuter & Shooter Publishers (Edms) Bpk; Somerset Educational (Edms) Bpk; Tower City Trading 323 BK h/a Brite Ideas; Via Afrika Publishers & Booksellers (Edms) Bpk; Via Afrika Future; Via Afrika Stimela en Vivlia Publishers and Booksellers (Edms) Bpk, en betalings wat in verband daarmee gemaak is op 'n wyse wat—

- (a) nie billik, mededingend, deursigtig, regverdig of koste-effektief was nie;
- (b) strydig was met toepaslike —
 - (i) wetgewing;
 - (ii) handleidings, riglyne, praktyknotas of instruksies wat deur die Nasionale Tesourie of toepaslike Provinsiale Tesourie uitgevaardig is;
- of
- (ii) handleidings, beleid, prosedures, voorskrifte, instruksies of praktyke van, of wat op die Departement van toepassing is; of
- (c) gedoen of gefasiliteer was deur die onwettige, onreëlmatige of onbehoorlike inmenging van werknemers of beamptes van die Departement, en enige verwante ongemagtigde, onreëlmatige of vrugtelose en verspilde uitgawes wat deur die Departement aangegaan is.